

經律異相卷第三十五

將五

梁沙門僧旻 寶曇 等奉

勑撰

得道長者部第二十五

寶稱長者出家見佛悟道一

守籠那足下生毛苦行得果二

最勝難降染化成道三

福增百歲出家見其本骸心曉見道四

須達多崎嶇見佛時獲悟道五

須達七貧後得食併奉佛僧倉庫自滿六

最勝魔燒不移七

申日爲佛作毒飯火坑自皆變滅八
辯意請佛僧有二乞兒一死一爲王九

曇摩留支長者先身爲大魚十

煙長者入海婦施佛絹衆商皆死唯已獨

存十一

毗羅陀請佛僧食而庫藏自滿十二

婆世躡染欲危身爲目連所救十三

長者新生一子即識本緣求母請佛甘味

自下十四

阿那邠祁七子爲財受戒聞法離垢十五

寶稱長者出家見佛悟道第一

波羅柰城有長者名阿具利子字曰蛇陀

此言

寶稱出曜經云夜輸時年二十四有瑠璃屐生而著足

父母貴異字曰蛇陀別作屋宅寒暑易處妓女娛樂不去左右寶稱中夜歎見諸妓女皆

如死狀膿血流溢支節斷壞屋宅衆具皆似塚墓戶輒自開天地大冥唯覩小光趣東城門門復自開明照鹿園尋光見佛瞻覩相好怖止迷解舉聲歎曰久在愛獄著名色械今趣神尊寧得脫不佛言童子善來覺矣斯處

無憂衆行畢竟前禮佛正佛爲說法逮無垢法眼即起白佛願爲弟子佛言善來比丘便成沙門明日衆女周憇遍求大家驚怖不知所在長者遣馬四出推索父乘子車東行尋求道過一水水名波羅柰度水見子寶履脫置岸邊即尋足跡徑趣鹿園佛以方便令其父子兩不相見長者問佛言我子寶稱足跡趣此瞿曇見不佛告長者若子在斯何憂不見佛爲說法入須陀洹寶稱心解便得羅漢父子相見恩愛微薄長者白佛今日心悅情

有二喜一遇佛解喜二離愛快喜於時寶稱親友四人一名富耨二名維摩羅三名橋談鉢四名須陀聞寶稱已作沙門驚喜毛豎曰吾共詣佛并省寶稱即便俱行見佛影則乘本願行作禮白佛飢渴道化虛心日久不以鄙陋願爲弟子佛言善來比丘皆成沙門爲說心本淨聞義心了便得羅漢如有聞者發足尋覓皆得道果出中本起經上又出曜經十九卷

有此子心甚念之生來習樂未曾躡地足下生毛時摩竭國王聞瞻婆城中大長者子遲欲見之即勑城主使諸長者各將兒來時瞻婆城主奉勑詣摩竭王在一面住王聽以衣敷地詣王所王見足毛心甚歡喜即語言可往見佛禮拜問訊當與汝後世利益時瞻婆城主及諸長者共詣耆闍崛山時有長老婆竭陀爲佛給使在槃石上坐時瞻婆城主詣長老婆竭陀所言我等欲見如來時娑竭陀即沒石上涌出佛前白言瞻婆長者欲見世

尊佛言汝往屋陰中敷座我當往坐時娑竭陀即敷座已還到佛所白世尊言敷座已竟世尊坐已告娑竭陀言語長者來時娑竭陀沒於佛前涌出石上時諸長者歎未曾有世尊弟子神足猶爾況復如來娑竭陀言長者宜知是時瞻婆城主來詣佛所世尊爾時即爲諸長者子及瞻婆城主說法勸化即於座上得法眼淨白世尊言大德從今已去歸依三寶爲優婆塞時守籠那後遂出家往溫水河邊尸陀林中勤行精進經行之處血流汚

地猶如血塗時守籠那在靜處思惟佛弟子中勤行精進無勝我者我今何故不得無漏我當捨戒還家自恣五欲布施作福佛知其心到守籠那所我今問汝隨意答我汝在家時彈琴琴絃若緩若急音聲好不若不緩不急乃得好聲佛言比丘亦如是不緩不急心乃會道依教修行逮成羅漢焉出四分律三
分第二卷

最勝難降染化成道第三

昔舍衛城內有一長者名曰最勝更有長者名曰難降二人慳貪國中第一饒財多寶不

可稱計二人門戶各有七重勑守門者無令乞兒得入我家庭室中鐵籠偏覆庭內以斷飛鳥四面鐵牆防鼠穿鑿噉壞器物是時五
將五大聲聞各以次第詣彼教化從地湧出教以法施長者二人聞之各不受化後佛自往坐
臥虛空放大光明佛與長者說微妙法長者雖聞心猶不達內自思惟佛來至不可虛爾使還精舍宜入藏裏取一白疊布施如來即起入藏選一惡者反更得好捨而更取倍得好者心意共諍不能自決當於其日阿須倫

與忉利天共聞或天得勝阿須倫不如或阿須倫得勝諸天不如爾時世尊以天眼觀見長者心或時慳心得勝施心不如或時施心得勝慳心不如爾時世尊便說斯偈

施與戰同處此德智不譽施時亦戰時此事二俱等

長者遙聞內懷慚愧如來所說正謂我身即出好疊持用爲施難降長者出五百兩金持用惠施心開意解各見道跡出出曜經第十七卷福增百歲出家見其本骸心曉見道第四

若放男女若放奴婢若聽人民若自己身出
家入道功德無量布施之報六天人中往反
十世出家之福無邊無量勝起七寶塔上至
三十三天以貪人能壞出家之德無有可毀
乃高須彌深於大海廣於虛空若爲出家作
持五福增現問福增言汝何故哭聞佛梵音心喜作禮
留難者其罪甚重入深地獄黑闇無目有一
長者名尸利苾提此言福增其年百歲求欲出家
家人大小無從用我於佛法中復不得出家
竹林從舍利弗求欲出家老不得出家徧問
五百羅漢皆同舍利弗出竹園門舉聲大哭

優波離是剃髮賤人泥堤下穢除糞之人殃
掘摩羅殺無量人及陀塞鞞大賊惡人如是
等人尚得出家我有何罪而獨不得佛即涌
現問福增言汝何故哭聞佛梵音心喜作禮
白佛言諸罪惡人皆得出家我何罪不聽我
出家大小不復用我於佛法中復不得出家
設我還家必不見前我當何趣今日定當於
此捨命佛慰喻言汝莫憂惱聽汝出家告大
目連聽與出家即得出家受具足戒晝夜精
勤修集讀誦廣通經藏以年老故不能隨時

恭敬迎禮問上座諸少比丘皆爲上座常苦言激切又作是念我今寧死往大河岸邊脫去袈裟置樹枝上泣而誓言我不捨佛法衆僧唯欲捨命我此身上布施持戒精進誦經設有報者願我捨身生富樂家眷屬調從於我善法不作留難常遇三寶遭值善師示悟涅槃誓畢投泗濱中未至水頃目連接置岸上令捉衣角上衝虛空猶如猛鷹銜一小鳥屈伸臂頃至大海邊海邊有新死人女相具足見有一蟲從口出還從鼻入復從眼出

更從耳入苾提問此何女人答曰時到當說前行復見一女自負銅鑊然火炊之旣沸脫衣自入鑊中髮爪先脫肉熟離骨沸吹骨出在外風吹尋還成人自取其肉而噉食之次復前行見一大樹多蟲圍唼其身乃至枝葉無有空處如針頭許大叫震動如地獄聲復次見一男子周巾獸頭諸惡鬼神手執弓弩三放毒箭鏃皆火然競共射之身皆焦然又見一大山下安刀劍見有一人從上投下刀戟劍鞘壞刺其身即自收拔還豎本處往還

不息前見骨山高七百由旬目連於山爲說
舍衛城中大薩薄婦夫甚愛念欲入大海戀
婦不捨即將入海婦擎鏡照面自覩端正便
起矯慢深生愛著時遇大龜蹋船沒海薩薄
及婦五百賈客一切皆死海不受屍夜叉羅
刹出置岸上隨所愛念死還生爲蟲捨此蟲
身墮大地獄苾提白和尚自食肉者是何人
目連告曰舍衛國優婆夷婢優婆夷請一比
丘夏九十日奉給供養使婢送食婢至屏處
選好自食餘與比丘大家覺問婢答我若先

食使我世世自食身肉今先受華報後墮地
獄大樹諸蟲唼食發大惡聲是瀨利吒營事
比丘用僧祇物華果飲食送與白衣受此華
報後墮地獄唼樹諸蟲即是得物之人舉聲
大哭衆箭射身者此人前身爲大獵師多害
禽獸以是罪故受斯苦毒於此命終墮大地
持五獄大山上自投刀劍者是王舍城大健闍將
以猛勇故身處前鋒或以刀劍矛矟傷剋物
命故受此報已又墮地獄其骨山者汝故身
也有一國王名曇摩苾提希施持戒慈悲不

傷物命正法治國滿二十年共人博戲時有一人殺人諸臣白王答言隨國法治即案律殺王戲已畢問罪人何在臣曰已殺王聞泣曰七珍皆住我獨入地獄即捨王位入山自守命終作摩竭魚身長七百由旬王臣恃勢枉刻百姓命終亦作摩竭大魚身蟲癩瘡揩頗梨山碎殺蟲血流百里皆赤應墮大地獄時魚一眼百歲乃覺覺大飢渴即便張口海水流入如注大河有五百賈客入海採寶值之船趣魚口賈人稱南無佛魚聞閉口賈客

得活魚飢命終生王舍城夜叉出身置此海邊時王者汝身是殺人爲魚必提解法無常厭世盡結得羅漢果

出賢愚經第七卷

須達多崎嶇見佛時獲悟道第五

舍衛國有大長者名須達多

賢愚經始云大臣四分部律並

呼居士常給施孤獨乞兒人以爲號先有田業

在王舍城年年履行大涅槃賢愚二經云寄止長者護彌家

中本起經云迎蘭院爲兒媳婦詣王舍城

大涅槃經云冊檀那夜起掃治宅舍辦諸餚饍須達問之答曰迎毗羅城

有釋種子名悉達多姓瞿曇氏其生未久相

師占之定當作轉輪王心不願樂捨之出家無師自覺得阿耨多羅三藐三菩提於諸衆生其心平等故號爲佛明受我請又問今在何處答曰在迦蘭陀竹林精舍十誦律云
寒林須達

多一心念佛所有功德忽然大明尋光而出至尸呵城門佛神力故自然而開四分律云
神即開門護此城大同況見如來禮拜供養須達見佛佛如應說法得須陀洹道出大涅槃第二十七卷又出雜阿含第二十卷中本起

須達七貧後得食併奉佛僧倉庫自滿第六出門路有天祠須達致敬尋還黑闇心生惶怖復欲還反城門有大天神告須達言仁者見佛當獲善利盡聞浮提所得功德不如發心一步詣如來所須達問曰汝是誰耶答曰

我是信相婆羅門子四分律云
是私阿神我是汝往昔善知識我因往昔見舍利弗大目犍連禮拜歡喜捨身得作北方天王毗沙門子專知守護此城大同況見如來禮拜供養須達見佛佛如應說法得須陀洹道出大涅槃第二十七卷又出雜阿含第二十卷中本起

須達七貧後得食併奉佛僧倉庫自滿第六長者須達七貧後貧最劇於糞壤中得一材斗其實栴檀出市賣之得米四斗語婦曰且炊一斗吾當索菜時佛念曰當度須達令福

更生炊米方熟舍利弗往婦見歡喜一斗米
飯悉投著鉢中更炊一斗目連復往亦歡喜
與之復炊一斗迦葉復往亦復與之適有一
斗尋復炊熟如來自往婦自念言間日之糧
莫有降者今有是米如來躬顧得無罪畢福

時五

九

生者哉一斗米飯盡施如來佛口呪願罪滅
福生從今日始須達尋歸婦恐其恚便問曰
如今佛來及舍利弗目連迦葉盡來求食當
與不耶答曰當與福田難遭若來求者是爲
值遇婦言向四斗米吾盡用施矣夫大歡喜

餘有飯汁公姥共飲之須臾彷徉諸室珍寶
倉庫穀帛自然實滿如往時富也須達踊躍
知佛愍念更請佛及僧供養盡空佛爲說法
皆得道迹

出雜譬喻經下

最勝魔燒不移第七

最勝長者聞說妙法即於座上諸塵垢盡得
法眼淨受三自歸爲優婆塞盡形壽不殺佛
去不久弊魔波旬化作佛像及相好來至長
者家長者念曰如來向出還其何速僞佛告
曰吾謂長者高才博智分別譏趣諦念長者

愚惑無智吾向所說四諦者實非真諦斯是
顛倒外道所習長者即自覺知即報之曰止
止勿語吾得慧眼住牢固地正使汝化作億
千萬身吾不退轉何以螢火之光與日競明
田家灰堆欲比須彌鵝就烏鵲金翅並飛波

旬慚愧復身而去

出最勝長者受呪願經

申日爲佛作毒飯火坑自皆變滅第八

是時王舍國有一四姓長者字爲申日財產
甚富金銀珍寶無有央數申日事餘道人唯
不事佛諸異道人皆共嫌妬申日共議言佛

今爲王及傍臣長者吏民所敬而我等獨不
爲所重佛常自說言知去來現在之事知他
所念今寧可試爲審爾不申日言當何試之
異道人言請佛持毒藥置飯中掘門裏深五
丈以火置中薄覆其上令佛從上來佛若知
當不受請受請則不知申日言諾即行請佛
持五
佛言大善異道人言已無所知但當穿地申
日有子字栴羅法年十六通達宿命善學佛
道能知去來現在之事啓其父言佛已知之
莫用惡人言自投湯火申日不信掘坑然火

飯置毒藥告諸比丘隨我後行佛適向道便放光影令申日舍中悉作金色時栴羅法即語父言今佛已起向道十方皆明如日佛到城門足蹈門限舉大城中即爲大動病者即愈箜篌樂器不鼓自鳴佛到申日門五丈火坑化作浴池中生蓮華一華千葉諸弟子所此蓮華華生百華皆蹈華而行申日見火以作水池中生蓮華便大懼怖頭面著地以誠自說今爲佛作飯皆以毒藥置中願乞更炊佛言不須更炊持毒藥飯來食勑諸比丘且

勿食須我教乃食佛即呪曰天下凡有三毒一者貪姪二者瞋恚三者愚癡佛無是三毒爲不行至誠有經法者毒亦不行飯食中毒皆自消去佛言皆飯申日頭面禮佛足言我大無狀用惡人之言願從世尊求哀悔過佛爲說經得須陀洹道時五
出申日
見本經十辯意請佛僧有二乞兒一死一爲王第九舍衛國有一長者子名曰辯意聞佛說五十事要還得法忍五百長者子得法眼淨辯意言唯願世尊及大衆明日中自屈於我舍食

佛與大衆往其家食未訖願有一乞兒歷座行乞無敢與者遍無所得瞋恚而出便生惡念此諸沙門放恣愚惑有何道哉貧者從乞無心見與吾得爲王以鐵輞車轰斷其頭言已便去佛叱願竟復一乞兒來從衆乞食各各與之大得飯食歡喜而去即生念言此諸沙門有慈悲心我得爲王供養佛僧乃至七日不報今者飢渴之恩言已便去二乞兒展轉求匱到他國中卧於道邊深草之中時彼國主忽然崩亡無有繼嗣相師判言書記當

有賤人爲王諸臣百官千乘萬騎按行國界望見草上有雲霞蓋相師曰中有神人即得乞兒諸臣拜謁乞兒驚愕自云下賤非是王種皆言應相沐浴香湯著王之服光相莊嚴導從入國惡念乞兒在深草內卧寐不覺車轰斷其頭出辯意經

曇摩留支長者先身爲大魚第十

昔有長者字曇摩留支問訊佛言曇摩留支別來大久乃得相見有人問佛答曰昔阿僧祇劫時世有佛名曰定光我時爲梵志字曰

超述時定光佛方欲入城我即中路相逢解
髮布泥上令佛蹈過佛即記曰汝勇猛力爾
却後阿僧祇劫當得作佛汝于時起恚心曰
此人與畜生無異乃蹈他頭髮上過去從是
特五
以來阿僧祇劫常墮畜生中復在大海中爲
魔竭魚身長十二七千由延時有五百賈客乘船
入海採寶值此大魚翕船垂欲入口時五百
人各稱所事時賈客主語衆人言今世有佛
名釋迦文濟人危厄無復是過我等稱名冀
蒙得脫即便齊聲稱喚魚聞佛名本識由存

即思惟曰釋迦文佛已出世間我身云何故
在魚中即而歸休時魚還沒水五百賈客安
隱即歸時魚即盪身出沙潭上不飲不食經
二七日命終生長者家作子字曇摩留支今
來與吾相見所以稱久遠耳留支聞此本末
即向海邊求其故屍見大魚骨皮肉已盡行
腸骨上思惟言此是我故屍即以華散故屍
上尋惟旣往忽然成道出分別功德
經第四卷

慳長者入海婦施佛絹衆商皆死唯已獨存

第十一

昔者有人大富而慳其婦好法欲施不敢壻
臨入海先以鐵蒺藜三重繞舍婦礙之不能
得出一心念佛諸鐵關閥變成鵲毛取絹一
疋寄人施佛佛受呢願夫與五百伴共在海
中爲鬼所噉唯留其夫諸鬼相語是人婦事
特五十三

出譬

佛不可近也伴侶死盡獨得寶還問婦何事
婦具告之二人歡喜即請佛僧設會得道

出譬

毗羅陀請佛僧食而庫藏自滿第十二

昔佛在世有大長者名修羅陀財富無數信

向道德自誓常以臘月八日請佛及僧終身
子孫奉行不輟長者亡時囑兒勿廢兒名毗
羅陀後日漸貧至時無以供辦愁感不樂佛
遣目連往問云汝父供月欲至當設何計答
言唯願世尊勿見忽棄八日臨盼將妻至外
家質百兩金還辦供具佛與千二百五十衆
僧往舍而坐行水下食清淨竟而還其日夜
半諸故藏中寶物自滿夫婦見之且喜且懼
恐官顧問即往白佛佛言安意快用勿有疑
難汝之履信不違父教聞施慧道七財滿足

一卷

翁經第

婆世躡染欲危身爲目連所救第十三

佛在羅閱祇國有豪長者名戶利躡大富盈溢婦生一男形容嚴妙請師占候歎子福德問言從懷此兒有何瑞應長者曰其母訥口鈍辭旣懷此子談語巧妙字婆世躡及年長大遊行觀看見那羅伎家有一女子心便染著欲得娉娶還啓父母願爲求索父母告言高卑非足如何爲婿子重啓言莫問門戶但論其身幸爲我求若不如志便自殞命父母

從之共作婚姻兒惑其色不恥鄙事即詣彼家學習戲藝皆已成就是時國王集諸那羅多戲事時長者子次應現伎上素而走王脫不見復勑更上氣力漸羸中道欲墮心中惶懼無所歸依目連陵虛告之曰如卿今日寧全附五身命出家學道爲寧墮地娶彼女耶答言願自存濟不用女也目連即時化作平地得全身首喜不自勝隨逐目連往詣世尊禮拜供養佛於是時廣說妙論心意開解便得初果因求出家世尊聽之鬚髮自落法衣在身

專精禪思成阿羅漢佛言過去世波羅柰國有大長者初生一子端正無比有人從海中來齋一鳥卵用奉長者長者納受經少時間其卵便剖出一鳥鵠毛羽光潤長者授之與子使弄子騎鳥眷飛遊觀看聞他國王作那

蹠是王女者今伎家女是爾時鳥者則目連是過去世時惑色致因由鳥得濟今垂當死由於目連故得安隱

出賢愚經
第十三卷

長者新生一子即識本緣求母請佛甘味自下第十四

十五

羅戲乘鳥至彼鳥住樹上偶見王女情便染愛遣信賸情女便與交爲王所知推捕縛來而當斬戮長者子言諸君何爲勞力殺我聽我上樹自投而死諸人聽許便即上樹乘騎其鳥翔虛而去得延壽命時長者子今婆世

舍衛國中有大長者生一男兒面目端正生而能言問其父母世尊及舍利弗阿難等皆在世不父母答在見其能言乃謂非人即往問佛佛言此兒有相父母歡喜兒又啓曰唯垂請佛及僧答曰卒無供養兒又啓曰但掃

灑堂舍莊嚴牀席施三高座百味飲食自然
滿堂又先身之母今猶存在居波羅柰國願
爲仰報父母遣使馳象迎接以三高座一擬
如來一爲今身母一爲前世所生母佛與衆
僧旣入其舍甘味飲食自然而下種種豐饒
佛爲說法合家大小盡得初果

出賢愚經
第一卷

阿那邠祁七子爲財受戒聞法離垢第十五
舍衛城中阿那邠祁有七子心無篤信於佛
法衆不持五戒阿那邠祁長者言我當賜汝
千兩金汝等可歸命三寶受於五戒七子聞

之便欲歸三寶受持五戒父母各賜千兩金
俱至世尊所具以白佛云何世尊彼七子頗
有福善諸功德不佛言善哉長者饒益衆生
安隱天人彼七子者緣是諸善功德具足所
獲果報我今當說北方有國城名石室國上
豐熟人民熾盛彼有伊羅波多羅藏無數百
千金銀珍寶於彼犍陀賴國人七藏之中隨
其所欲皆悉費用無所減少及此伊羅鉢多
羅大寶藏彼七千兩金百倍千倍百千倍無
數倍皆悉不及汝七子所獲功德世尊與阿

那邠祁說微妙法即從坐起白世尊言願受
我請及比丘僧欲設甘露飲食爲七子故世
尊默然受世尊知時與比丘僧前後圍繞入
舍衛城詣阿那邠祁家皆即就坐長者及子
禮敬世尊世尊說法使遠等見告言如是長
者七子甘饌飲食飯佛比丘食竟除鉢佛與
七子說法各於座上諸塵垢盡無有瑕穢得
法眼生彼已見法無有狐疑亦無猶豫出阿那邠

經律異相卷第三十五

祁化子經卷七